

Aizkora ♦ Urrezko Aizkoraren laugarren saioa jokatuko dute bihar Beitiak eta Nazabalek

Helburu desberdinekin


Zazpi hilabete eman ditu Nazabalek plazetatik kanpo

Koldo Alduntzin / Donostia

BILBOKO Arriagan jokatu da II. Urrezko Aizkoraren laugarren kanporaketa eguerdiko 12:30etan. Behe adarreko bigarren saioa izango da, eta elkarren kontra Iñaki Beitia eta Floren Nazabal ariko dira 10 enberrera. Nazabalek lehen agerraldia izango du eta Beitiak bigarrena. Nazabalek iaz Etxebeste utzi zuen bazterrean lehen kanporaketan, baina bigarrenean Senosiainek irabazi zion segundo batzuegatik. Beitiak ere, Etxebeste kanporatu zuen joan den igandeko saioan, 22 minutu eta 27 segundotan amaitu zuelarik lana.


Joan den urteko abuztuaren 12an jokatu zuen Nazabalek azken txapelketa, hain zuzen ere I. Bertiz Kopan. Nafarra-Gipuzkoa izan zen lehia, eta nafarrek 3-0 irabazi zuten. Orduan ere oso ahul jardun zuen etxarriarrak, eta gerriko arazoak jota egon zen hurrengo hilabeteetan. Donostiako Urrezko Kopan egin zuen lehen kalea.

Atzo Donezteben izan zen apustua ikusten. Berak zioenez: «Nire helburu nagusia ahalik eta azkarren forman jartzea da, eta Urrezko Aizkora izango da proba neurtzailea. Fisikoki ondo nago, baina ez dut ziurtasunik nire osasun arazoa gainditu dudak jakiteko. Horregatik, kezka pittin batekin plazaratuko naiz».



Maila Nagusiko 9 final jokatu da nafarra, eta badu arrazoirik Beitia baino maila hobexean aritzeko. Osasun arazoak sortarazten dion kezka alboratzea lortzen badu ohiko Nazabal ikusiko dugu. Beitia ere Donezteben izan zen atzo. Joan den igandean eginiko lanarekin kontent zen, «eta Zeanurin egin nuena errepikatzen badut pozik amaituko dut», zioen. Gainera, «nik ez daukat deus galtzekorik, Florenek dauka ardura guztia, ni baino aizkolari eginagoa baita, eta gehiago dauka jokoan», gaineratu zuen.

Aizkora aurretik (12:00), trontza izango da: Lapazaran-Irazola eta Etxaniz-Mendibe -Bizkaiko txapeldunak eta txapeldunordeak-.



Nazabal I.a, Bertiz Kopan, Donezteben. Gaur berriro agertuko da plazan.



Iñaki Beitia

Nongoa: Zeanurikoa (Bizkaia)**Adina:** 32 urte**Pisua:** 94 kilo**Altura:** 1,84 metro**Maila:** Maila Nagusian Euskal Herrikoan eta Bizkaikoan.**Azken txapelketa:**

Txapeldunordea Euskal Herriko II. Mailakoan eta txapelduna Bizkaikoan.

Aurtengo helburua: Maila erakustea txapelketetan.**Gainerakoak:** Ez du deus galtzekorik gaur.

Floren Nazabal

Nongoa: Etxarri-Aranatz (Nafarroa)**Adina:** 29 urte**Pisua:** 83 kilo**Altura:** 1,84 metro**Maila:** Maila Nagusian Euskal Herrikoan eta Nafarroakoan.**Azken txapelketa:** Ez zuen jokatzetik izan.**Aurtengo helburua:** Lehen zuen forma berreskuratzea.

Arriak berriz irabazi zion Vicenteri

K. Alduntzin / Doneztebe
ELKARREN arteko bigarren apustua ere Xabier Orbego-zo Arria V.ak irabazi zion Daniel Vicenteri, atzo Donezteben. Orain dela bi urtekoan (1997-02-23), 3 minutu eta 35 segundoko aldea atera zion Errezilgoak 12 kanaerdikora, eta atzo 5 minutu eta 44 segundokoa 16 kanaerdikora. Beraz, argi utzi zuen gipuzkoarrak gaur egun Otsagikoa baino gehiago dela.

Kasik hitzez hitz bete zuen Arriak herenegun esan ziguna; hots, seigarren egurrean joko zuela, eta atzean utziko


hitz bitan

Azken denborak: Arriak: 36:39. Vicentek: 42:23.**Aldea:** 5 minutu eta 44 segundokoa.**Sarrera:** 2.500 pezeta.**Ikusleak:** 450.**Lanerdietan:** Vicentek: 16:11 eta Arriak: 16:24.**Arriak aurrea hartu:** 9. kanaerdikora.

zuela Vicente. Bederatzigarren kanaerdikora hartu baitzion aurrea nafarrari. Ordura arte, Vicentek lan

aipagarria egin zuen, eta epaiak ongi eginda gainera. Bazirudien ongi erreperatuko zuela, arnasaldiak hartuta, baina erditik aurrera guztiz bete zen, eta arazoak izan zituen amaitzeko. Otsagiarak 11. enborra botata denbora luze pasa zuen gorputzaldia erreperatzeko.

Arriak baliteke zailxeagoak izatea bere lehen ilarako egurrak, eta ez zuen behar bezala lan egin barrualdeko lanean. Nolanahi ere, erdila-netatik aurrera erritmoa pittin bat bizitu zuen, eta azkenean azkartzeko ere ahalmena izan zuen.



Arria V.ak gehiago dela erakutsi zuen.

KOLDO ALDUNTZIN